

قلبت ميزان حياتي

ديوان شعر عامية

صلاح علي صالح



دار ديوان العرب للنشر و التوزيع – مصر - بورسعيد



اسم العمل : قلبت ميزان حياتي

اسم المؤلف : صلاح علي صالح

الجنسية : مصر

التصنيف الأدبي : ديوان شعر بالعامية المصرية

الترقيم الدولي : 3 - 15 - 6707 - 977 - 978

رقم الإيداع : 5723 / 2019

تدقيق لغوي : نجاح العالم السرطاوي

تصميم الغلاف : محمد وجيه

المدير العام : محمد وجيه

تليفون : 00201211132879

الإهداء

لقد سطرْتُ هنا في حروفي بعض مشاعري التي ترجمت أفراحي
 وأحزاني وسعادي وشقائي وذكرياتي وأحلامي وآمالي وأمنياتي
 عبر سطور ديواني " قلبت ميزان حياتي "
 وأنا بدوري أهدي حروفي و كلماتي لكل من وقف إلى جانبي
 لخروج هذا الديوان إلى النور ولكل من ألهمني حرفاً في ديواني
 ولكل من أحببت ولكل من صادقت ولكل من عاشرت ولكل من
 اجتمعت بهم ولكل من ودعت
 أهدي كلماتي لكل من فرحني ولكل من جرحني
 ولكل من قدم لي المساعدة والمحبة والوفاء
 كما أهدي ديواني إلى الأستاذ الراقى محمد وجيه
 وإلى الأستاذة الرائعة نجاح السرطاوى
 وإلى كل أفراد أسرة ديوان العرب
 ها هو بين أيديكم
 أتمنى أن ينال إعجابكم

الشاعر / صلاح علي

في لحظة ندم

في لحظة ندم بتقول لي ساحيني
دي حياتي عدم ياريت
تصالحيني
جيت والدموع سبكاك مالية عينيك
وعندك أمل أرجع تاني
إليك
الحب انهزم ضاع بينك وبينني
وقلبي انظلم دلوقتي شاريني
أساوتك فين جاي مرعوش الإيديين
كرامتك زين وانت مطاوي وحزين
زاد الألم بكلمة اعذريني
تبدل قدم يا خجل داريني
شوقي اتردم جات عليه السنين
حنيني انكتم يسمع صوت الأنين

قراري

قراري خدته بنفسني
 خدته والدمعة ف عيني
 أنا لازم أبعد بعيد
 وصلتنني آخر يأسني
 مبقاش صبري يكفيني
 يا ريتك تبقى سعيد
 باحلك من وعودك
 من ضعفك من جحودك
 من نار ما بنا تقيد
 لازم أبعد وأسيبك
 الاسم كنت حبيبك
 وكفاية بقي تجريح
 مشاعري بقت حزينه
 ضحكي يادوب للزينة
 بقولها بلسان صريح
 لكن مع نفسي أمينة

شايلها ف قلبي دفينه
 ما عاد يخدعني مديح
 وعودك كانت وسيلة
 يادوب مجرد حيلة
 وغدرك كله ماليك
 جحودك خسة وغيلة
 وخداع عشرة طويلة
 في عز ما كنت شاريك
 وكان حنانك بالتيلة
 مانطقتش كلمة جميلة
 جي ضيعته بإيديك

آه يا سيدي

آه يا سيدي
لمسة إيدك
طبعة ف إيدي
آه يا حبيبي
نظرة عينك
شكة وريدي
دقة قلبك
دقة بدقة
مع تنهيدي
براهين حبك
حاسدني ازاي
أوي محاسيدي
دنا من شوقك
بجري بلهفة
على مواعيدي
حبك ودك

حنانك لیا
بان علی عودی
قربك هوہ
زود عندي
حلا ف مودی
سحر كلامك
أدی معنی
سر وجودي

يا عيون مخيلتك حبيبي

يا عيون مخيلتك حبيبي
 نائمة صاحبة على الحنين
 لونه كان مش نصيبي
 لكن قلبي عافر سنين
 عايش عل ماضى يا حبيبي
 حبك جواه موصول للحين
 اسمك محفور فيه حقيقي
 إلآه منه طالعة أنين
 ولهفة شوقي ولهبي
 منقوشة بآلم خطه حزين
 أد إيه منك تعذيبي
 يلي ف حنانك أسي وضنين
 أنت عايش يركاك حنيني
 ونا هواك عشته ف زنازين
 أنت أديتني دوى ياطبيبي
 كاسه ف سنين شاربو أنين

لو أنت نسيت

لو أنت نسيت
 أنا مانسيتش
 لسة النار
 الي مابردتش
 لسة جراحي
 الي ماخفتش
 حتى دموعي
 دي مانشفتش
 وكل أهاتي
 وتقول معلش
 ينفع أسامح
 كده بالغش
 أشوفك أضحك
 لأ مايلقش
 جرب أبلا
 ليلة عذاب

عيش اللحظة
 لو ضحكك غاب
 حس يا حساس
 ظلم الأحاب
 دوق الجراح
 دوق الخداع
 شوف مشاعرك
 لو حبك ضاع
 لما تعاشر
 واحد لواع
 بدل الحب
 يعيش ف خداع
 لما تخلي
 حبيبين ف خصام
 أه يتقابلوا
 من غير كلام
 يخطفوا نظرة
 بدون سلام
 لما بنا

ضاع العنوان
بص لنفسك
باقيت عدمان
لا فيه الشوق
ولا الحنان
بانت عل وش
كل الأحزان

أنتِ اتغيرتِ

أنتِ اتغيرتِ خالص
 أنتِ مابقيتش خالص
 باقيت كداب وبارع
 باقيت خاين مخادع
 ياريتك حتى حاسس
 أنتِ اتغيرتِ خالص
 دي غلطة مني جاز
 حاولت معاك وعاز
 أغير فيك ولكن
 ده طبع فيك وساكن
 وف جرحي عشت هايص
 أنتِ اتغيرتِ خالص
 دموعي لما هانت
 وأسوة غدرك بان
 برضه قوالت أحاول
 أعدل قلبك أل مايل

وأنت في ظلمك دايس
أنت اتغيرت خالص
صحيح زمان عجائب
ماليش ف الفرحة نايب
يلي حاضر وغايب
ياريتني حتى عاجب
خليك ياعذاب مآنس
أنت اتغيرت خالص

قالوا كلامٌ

قالوا كلام
کده طراطیش
بیحبني موت
وما قالیش
وف نار الشوق
هیمان بیعیش
متعذب أوي
ما صارحنیش
قولت یاناس
ما یخلصنیش
عینی حرام
ماداق النوم
وشوق وحنان
مرصوص بالکوم
قالوا کمان
ده یوم ورا یوم

بجره الڪتمان
بيبلبط عوم
دايمًا سهران
ويا النجوم
قولوا ياناس
أعمله إيه
قلبه الحساس
إزاي أرضيه
رقّة وإحساس
عيني عليه
حبه شعور
باين ف عنيه
خلاص خلاص
حافكر فيه

الركُّ عليكُ

الركُّ عليكِ
كله بإيديك
أبعد عنك
أو أقرب ليك
أبقى أنا حاسس
بيك وشاريك
أما ألقى روحي
ف حباي عنيك
قلبي حايكون
كده طوع فل إيد
ساعة مالاقيك
حبك ده أكيد
مشدود ليا
ومجبي سعيد
أديك حياتي
وأفضل أعيش

يادوب عشانك
وغيرك ماليش
وتخلص وتكون
أد الحنين
وتعيش وتصون
عشرة السنين
تعشق مجنون
الصدر الحنون

ودودولك

ودودولك كلمتين
 دموعك دمعتين
 غيروا حالك ف دقيقتين
 بعث ف ثانيه حب سنين
 طيب قوللي حبك فين
 هي الغيرة تعمي العين
 كلمة تجيبك وتوديك
 عرفوا نقطة ضعفك فيك
 أبكي منك ولا أشكيك
 ضحكوا بكلمة زور عليك
 وعدك فين فرش حرير
 ريش نعام ورد جميل
 فين راح حبك الكبير
 ولا كله كان تمثيل
 خال عليك حبة كلام
 اتغيرت مع الأيام

كنت تسامح فل خصام
كنت تصالح بابتسام
شوقك فين فين الحنان
الي كان ف عنيك يبيان
فين عشقك كان بجنان
أصبح شكك العنوان

دلوقتي نزلت دمعة

دلوقتي نزلت دمعة
 هو أنت باقيت لرجعة
 للعشرة ال أنت ناسيها
 دوق في مرة طعم اللوعة
 يلا حس بناري الوالعة
 الي ياما عشت فيها
 طافيت لي في قلبي شمعة
 فاكرني يا عيني سلعة
 تبيعها وتشترىها
 دنا قلبي كان زي النسمة
 يبحب الناس أوي واللمة
 وأنت بتأسا وتلعب بيا
 ماسمعش منك يوم كلمة
 ترسملي على وشي البسمة
 ولا شفت معاك حنية
 وسهرت الليل وسط الضلمة

أقول خلاص يمكن قسمة
وتلاوع وتظلم فيا
ياريت كانت يادوب غلطة
كان قلبي ينساها حتى
وأسامح وأعديها لك
لكن الي زاد وغطه
حي الي افكرته ورطة
ماتقوللي وبعدهالك

فيكي مغناطيس

فيكي مغناطيس
 شادد قلبي ليكي
 ويا الأحاسيس
 لوني حريص
 خايف من عينيكي
 أبقى رحت فطيس
 شفتك من بعيد
 قربك مني سِنَّة
 حسك لون جديد
 خفت أقول وأعيد
 تبقى بكلمة بنا
 شدة فل عريض
 لكن بالتأكيد
 أصبح بنا أن
 عايشة فل وريد
 أشواقي محاييس

بكلام متزوق
 طلوعوا مل كواليس
 تدور عل ونيس
 باقيت متشوق
 بتهته فل حديث
 آه لو كان يلين
 قلبك حبة حبة
 ييجي بالحنين
 يم عيون حلوين
 دايب مل محبة
 أشكي بس لمين
 بفرع مل كوابيس
 حد يخذك مني
 عقلي ف ثانية يهيس
 حناني ملا قراطيس
 شوقي شكشك فيا
 زي الدبابيس

قلبي نسيك

أنا قلبي نسيك خلاص
 وبيفتكرك طشاش
 من يوم ما قلبك داس
 عل حب وراح ماجاش
 واحدة بواحدة ياناس
 باع ومايلز مناش
 مش لايم عل عزال
 مايقولوا قلبك خان
 مش حاسم قيل وقال
 طبعي أصلك بان
 تتشعبط فل حبال
 ماليك عندي مكان
 جرحي حتى مازال
 بيدورع النسيان
 ده قلبك لما باع
 ياواخد عل خداع

بيفكر قلبي ضاع
قلبي الي كان بيساع
غلطاتك الفزاع
عملك نفسه شراع
دلوقتي الصاع بصاع
يلي اخترت الوداع

غيتوني من حبيبي

غيتوني من حبيبي
 والي بيعمله
 قولولوا ده حبيبي
 برضه أستحملة
 رضيت نصيبي بإيدي
 رغم الي جرا
 لو تنسا يوم حقيقي
 دفاترك تنقرا
 كام مرة كان تعذبي
 وكام فرحتني
 إيمتي كنت داربي
 مرة وريحتني
 ملقيتشي يوم حنانك
 لما وعدتني
 ولا السعادة
 بجد تعبتي

وعرفتي يا عيني

وعرفتي يا عيني تدوبي
 وتقولي عليه مكتوبي
 ياريتك مرة تتوي
 ياما يطلع من محبوبي
 بتبوح لي يا عيوني
 وتخلي الناس يلوموني
 ودوني عينيه وجابوني
 جوني ف أحلامي شغلوني
 لكن اللايمين ماسبوني
 كلامهم زاد دجوني
 اشمعني عليه بتلوفي
 وف سحر عينيه بتطوفي
 ياما لسة أه حاتشوفي
 أه منك وأه ياكسوفي
 غيرتي وبدلتي ظروفني
 بددتي قلقي وخوفي

حرمانی ساعات من نومی
وقلة راحتی فی یومی
لو کان ده صحیح مقسومی
أرمی ورا ضهری همومی
أهرب من حیرتی ولومی
وانتی علی عومی تعومی

أديك أهوه شمتهم

أديك أهوه شمتهم
 باقينا لبانة ف بقهم
 لقمة طرية ف حلقهم
 ولي ناحيتنا ف سرهم
 مالي ومسود قلبهم
 والغيرة بتجري ف دمهم
 قالوا علينا ولسنوا
 تكفف نظرنا بيسقطوا
 مهما قدامنا يحسنوا
 ناقص شوية يزغرطوا
 وييوسوا بعض ويحضنوا
 على زعلة بنا يزأططوا
 باين يا ناس اتجننوا
 نازلين كلام ويرطرطوا
 عند فيهم راجعين لبعض
 خلي حياتهم برق ورعد

لو شافونا عينهم فل أرض
زعلنا حبة أيوة مجد
إيديهم ساعتها تشبع عض
خلي سكوتنا هو الرد
خلي سامرهم يوم ينفض
يلا نكيدهم وصال وود

آه منك

آه منك لما بتخاصم
 وشك كله بيدي طلاس
 حاكم أنت قلبك ظالم
 ونا قلبي طيب ومسالم
 مش كل الناس تبقى معادن
 دا كتير منهم بيكون فلفصو
 بيعف العشرة وخاين
 مايفكر شي إلا ف نفسه
 وأنت غامض منتش باين
 وبايني الحلوين خلصو
 مايبين قلبي وقلبك قارن
 مين فينا مشاعره اتأسوا
 من حبك أبداً مش طایل
 غير أني عايش على همه
 وبتعمل فيا عمايل
 وقلبي يتعكر دمه

وحياتك عندي مش ناقص
قول لمشاعرك يتلموا
في غضبك بتكون حاسس
ولا عنيك دايمًا يتغموا

ولحقت تنسا

ولحقت تنسا
 مين فينا لسة
 عل حب يأسا
 بأسود غلسة
 ومين ده لسة
 مقدرشي ينسا
 وروحه حاسة
 لو أنت فاكر
 إنك ياشاطر
 غادر وقادر
 باقيت تكابر
 قلبك ياسا تر
 صمم وهاجر
 حاولت أعافر
 علشان ما خاطر
 حبك يا غادر

وَأَنْتَ الّی خَاسِر
لَوْ أَنْتَ حَاطِب
تَجْرِحُ یَا خَاطِب
أَعْلَى الْحَبَابِ
تَبْعِدُ وَسَايِب
قَلْبِی دِه دَايِب
بَجْرِحِ صَايِب
أَمَّا عَجَايِب
لَمَّا تَعَاتِب
أَصْحَا وَحَاسِب
عَلَى وَدْ غَايِب

رحت و قولتّ عدولي

رحت و قولتّ عدولي
 ولا الدموع شفّعولي
 لا حنين بعّتولي
 ولا مراسيل يوم جولي
 عوازلي لاموني
 وبنظرة جارحة بصولي
 منى نفسي ف وداك
 غيبتك طالت وبعادك
 أنا عل وعد ف غيابك
 أغلى أوفى أحبابك
 قول طمني إيه نابك
 إيه منعك وماجابك
 دن ناس لما شافوني
 أغراب لكن رحموني
 مسحوا دمعي وصوني
 أرحم روحي وعيوني

وأعيش مرة لشؤني
 رديت قولت نسوني
 عقلي شارد ييفكر
 إزاي في بعدك حقدر
 لسة قلبك على ماهو
 ولا عل بعد اتغير
 وب إيه وإيه أتاثر
 وكنتم همي وتصبر
 يلي من بختي وكومي
 قالل راحتي ونومي
 يامزود فيا همومي
 شوية عليك لومي
 حبيتك ومقسومي
 في هواك يطول يومي

أنا حرة

أنا حرة فل حدود
 مش طايشة ليا مود
 قالوا بنت جريئة
 ناصحة أوي بطريقة
 والضحكة عل حدود
 أنا نفسي ف واد أروب
 مش خاطب أو مخطوب
 راسي كدة حبوب
 مالوش في أي جروب
 فل حب يكون لهلوب
 بنظرة مني يدوب
 مشاعره رقيقة
 ياخذني صديقة
 والضحكة عل حدود
 يكون إتيكيت وذوق
 مش عصبي أو قلوب

زعلان أوام يروق
 مليون حنان وشوق
 دائماً باصص لفوق
 مايبصش للفروق
 واضح فل حقيقة
 عنده نية بريئة
 والضحكة عل حدود
 يفهم فل أصول
 دمه خفيف عسول
 واعى وواد شملول
 باله ويايا يطول
 ييجي دوغري ومعدول
 شكله يكون مقبول
 محسش بضيقه
 أو كلمة مسيئة
 والضحكة عل حدود

دلوقتي جي وبتزورنا

دلوقتي جي وبتزورنا
 وبتسأل آخر أخبارنا
 هو احنا فسينا الي جراننا
 لما أنت جي تفكرنا
 ياري بس تصبرنا
 على جرح حبك ومرارنا
 معاك مشينا مشوارنا
 بنخاف ونداري أسرارنا
 لا يوم ياعيني اتصورنا
 إنك تفكر تهجرنا
 مف مرة حتى اتأثرنا
 بأي كلمة تعكرنا
 صاحبنا بيك كل أصحابنا
 كان قلبك بيتنا ومطرنا
 صوتك ياعيني يصبنا
 نقعد ف مكانك ببراحنا

عَاتِبْنَا يَا مَا وَصَارَحْنَا
عَلَى أَسْوَةِ قَلْبِكَ سَامَحْنَا
مَا كَانَ مِنَّا تَدْبَحْنَا
تَفْضُلَ مَعَانَا تَفْرَحْنَا
مَا خَدْنَا إِلَّا جَرَّاحْنَا
لَا يَوْمَ وَيَاكَ اتْبَطَرْنَا
لَكِنْ قَوْلُنَا دَهْ قَدَرْنَا
وَجَايَ دَلُوقَتِي وَبَتَزُورُنَا

مش طبيعي

مش طبيعي
إنك تبيعي
وانتي الي كنتي
ملك طوعي
ماشي بيعي
حبي ودموعي
إوعي تنسي
حبك صنيعي
ابعدي لاوعي
كدي سمعي
وبخنجرك
قطعي ضلوعي
مش طبيعي
تتغيري فجأة
عايزة أصدق
ياألف لأه
حاسي قلبي

على كل دقة
 غمضي عيني
 ببصة رقة
 متخلي روحي
 حسة بخنقة
 خلاص أسيبك
 مش حاعيبك
 يمكن طريقك
 تاني يجيبك
 ون طريقي
 مبقاش يليقك
 إوعي غلطة
 تقولي حبيبك
 أو تقولي
 عذبك حنينك
 دنا بسببك
 طفيت شموعي
 دنا في بعدك
 لميت قلوعي

وعدّ مني

وعد مني
 الرد مني
 راح يبقّى آسي
 خدها مني
 فل بعد عني
 ح تشوف مآسي
 أنت ظالمني
 مش هاممني
 ناكر وناسي
 دلي يشيني
 أكيد في ظني
 خاين أساسي
 إياك فاكرني
 إنك تعيرني
 لا ياشاطر
 كنت تحايلني
 عشان تعرفني

يعني فاكر
لما تبيعني
وتلاوعني
عبيط وخاسر
تاكل في صحن
وبتجرحني
حقيقي فاجر
الي يبحزني
ومآلني
بكلام جارح
مش شاغلني
إنك باعدني
خلاص يافالح
بس حازرني
إنك ذامني
عل مطارح
قلبك يخونني
ودابجني
والكذب فاضح

انتهيتي

انتهيتي من حياتي
 اتنسيقي من آهاتي
 يلي كنتي ف ذكرياتي
 ناسية جبي ناكرة ذاتي
 يلي كنتي وإنتي دائي
 عمري راح ماسبتني باقي
 كنتي واثقة من فراقي
 وإنتي جارحة كبريائي
 رحت والله ياشبابي
 ويا همي وعذابي
 ونا فاتح ليكي باي
 غدرك أبداً ماكان ف حسابي
 حنسا ضحكك من غرامي
 كل صدك عن سلامي
 حنسا سهوك عن كلامي
 كل فرحك من آلامي

لسة فاكرة

هو انتي لسة فاكرة
 مش انتي كنتي ناكرة
 كل لل ربطني بيكي
 يوميه قولتي قادرة
 تنسي بعد فترة
 مع حرصي ساعتها عليكي
 لكن خلاص ياغادرة
 كفاية كلام ومهابة
 دنا سبت الغدر ليكي
 مش عايز حتى نظرة
 أو دمة أحن وطرة
 إيه بس اتغير فيكي
 مش ناقص قلبي نحرة
 أو عيشة جارحة مرة
 خليكي بعيد خليكي
 راهنتي وكنتي خاسرة

حسيتي اليوم بحسرة
وعندي ده يكفيكي
حاولت ألف مرة
قلبك كان زي الصخرة
دلوقتي قلبي نسيكي
أنا عندي أعيش ع الذكرى
قلبي عمره مايكره
ياريت ندمك يكفيكي

تعالى بقى

تعالى بقى
وحشنيلقى
وقلبي اشتكى
ومتشوقة
حنيني شقى
عيني م البكى
ويا خدودي
دي متغرفة
دنا متضايقة
دنا متخلقة
من غيرك ببقى
أوي متقلقة
وتايهة وشاردة
ومبرقة
وانت سايبني
ليه متعلقة

عشقتك ونا
 كان كي مني
 عايشين وبنا
 الفرح والهنا
 وجرحنا الهوى
 ون كان الدوى
 الغاوي غوى
 وقلبه انكوى
 ودوبنا سوى
 والحب ارتوى
 لف مرة سلى
 أو فكر طوى
 إحساسه انكوى
 لكنه اتشوى
 عذاب وجوى
 لآخر مدى
 لعل وعسى
 يبقى اتنسى
 مافات من أسى

حيرة وهلوسة
وتعرف كدة
وبالشكل دة
أنا كنت ولسة
باقية ومخلصة
لسة بالذكري
أنا متونسة
عايزة رجوعك
ومتحمسة
شائلة في قلبي
ومحوشة
ناسية الوحشة
ومتوغوشة

سرّ الفولة

أه يانا يانا
الحب جانا
وشوش ندانا
صحا ويانا
حنين جوانا
الشوق عما نا
جابنا وودانا
قولي يا خالة
كلمة ف قولة
تفسير الحالة
ولو محالة
عينيه عسولة
تطلع الأولى
ده سر الفولة
باقيت مياله
على غير العادة

حرك جواية
أشواق بزيادة
جات على هوايا
حسيت بسعادة
وكل مادة
وبدون إرادة
وياه بتمادة

لازم نعرف

دلوقتي لازم نعرف
 إن إحنا فشلنا للأسف
 قلبك عمره مف يوم عرف
 يديني السعادة واتنصف
 طبعك ليه عن طبعي اختلف
 جرحك غار ف قلبي ونزف
 حبستني في قفص ذهب
 كانت أسواره نار ولهب
 كأس عذاب سنين إتشرب
 اتحملته ونا مش طيقاه
 كان حلم جميل واتسجن
 وهم وسراب حققناه
 علقطني علل جدران
 زوقطني بكل ألوان
 من غير حنية وحنان
 ما حستشي معاك يوم أمان

أسوة كثيرة أوي وعذاب
 ما كنتش معايا إنسان
 حافك من إيدي القيود
 وأحطم كل الحدود
 وأمسخ دمعي من عل خدود
 وأمحي سنين ياريت متعود
 حنسا الي خان الوعود
 ومعاه دبلت كل الورود

بدأوا يلسنوا

حبنا مش محتاج شماعه
علشان نعدمه
مكنشي عندك شجاعه
إنك تعلنه
إيه فاضلي قوللي تاني
قلبي يقدمه
الناس خلاص عرفوا وحسوا
بدأوا يلسنوا
ويا لمة تكون حوالينا
تنكر حبنا
لما أقولك ليه خبينا
بتزوق كدبنا
حتى لما نكون وحدينا
ننسا بعضنا
حتى الحب تاه ف السكة
وسط الدنيا

كنت بشوف نظرة شفقة
 ف كل ثانية
 وفضلت تداري وتحبي
 ونا متعذبة
 دي ظروفك أنا إيه ذنبي
 تائهة مستغربة
 مش بلومك بلوم نفسي
 باقيت متحطمة
 بهرب من كدي ويأسي
 وبقشة متشعبطة
 إزاي أرضى لروحي
 وأعيش متلخبطة
 عماله ألملم ف جروحي
 خيبة ومتورطة

برضه يصح

برضه يصح
تنسا سنين
الهوى والفرح
ولا يصح
تجرح قلبي
أكبر جرح
نابك إيه
لما بتخون
العيش والملح
حاولت بجد
بس عنادك
زاد عل حد
سقيتك شهد
إديتني شوك
خدت الورد
توعدي وعد

حيرتني
 بالطول والعرض
 ألين وتشدد
 ويكون ردك
 هو الصد
 لا توفي بعهد
 باقيت أشكي
 لطوب الأرض
 وأدوق المر
 وأتنازل
 وأنت بتتغر
 وأرجع أجر
 رجلي وفشلي
 ذكرى تمر
 لا حاجة تسر
 ولا برسا
 يوم على بر
 وأنت موصر
 تكسر قلبي

ويا الهجر
طال الصبر
من حبك
مش لاتي مفر

إنزلي يادموع

إنزلي يادموع
 بترجيني
 دنا ياما ضاع
 عمري ياعيني
 أنا عشت معاه
 أحلى سنيني
 مانابني غير
 إنه ييكيني
 إنزلي يادموع
 غرق عيوني
 حبائي كثير
 ياعين ظلموني
 خانوا ياناس
 راحوا وباعوني
 جايين كمان
 قال يلوموني

إنزلي يادموع
 إكويلي خدودي
 ياراحة البال
 ياريت بتعودي
 لأحس ف يوم
 مرة وجودي
 لا صان عشرتي
 أو حتى عهدوي
 إنزلي يادموع
 بي ف مناديلي
 إملي مكان
 قهوتي فناجيلي
 فين راح الفرخ
 ردي قوليلي
 باينه الجرح
 قاعد وناويلي

عل حب وسنینه

عل حب وسنینه
 ع لی عاشقینه
 إحنا الی عاجنینه
 یا ناس وخابزینه
 نتعب وعایزینه
 یاریتنا عاجبینه
 لو قولنا حبینه
 أو قولنا کارهینه
 احنا کدة نجیلک
 ونعیش مواویلک
 وندوب ونحکیلک
 وتعمل أفاعیلک
 یاقلوبنا بتدوی
 وتقولی محبوی
 فل أصل مکتوبی
 ولا حتی بتوبی

وندوق فی تعذیبه
 ناره و لهالیبه
 ونرضی بعیوبه
 وکدبه و الأعیبه
 شایله ف عنیا
 ورموشی مغطیه
 یأکل یایدیا
 یشرب فی حنیة
 مارقشی یوم بالی
 قلبه ماصفالی
 بیجری مایجرالی
 وبرضه یحلالی
 أنا یاما قریته
 ونصحته وعیته
 وحرمني وادیته
 وهمی خبیته

عمري مايزعل

عمري مايزعل أبداً
 ولا باخذ على خاطري
 إنتي يا حبيبتي دائماً
 بتواعدني وتعتذري
 ما بقيتشي تفرق طبعاً
 لا بأمرك ولا أُمري
 كنتي وأصبحتي فعلاً
 على بالي بتمري
 على فين حتروشي مني
 ونا قلبي بيتشحتف
 ولفين راح تبعدي عني
 وأبقى بحبك متكتف
 صابر معلش لأني
 مسير بعدك يتأسف
 معقول قلبك يبييني
 وأغرق معرفش أأدف

تبعدي وتغيبي حبه
وتباني لما تحبي
ساعات بتوه السكة
خبي لو عايزه تحبي
وخاف عليكي الشكة
لو وقفة حتى جنبي
وأشوف ف عنيكي ربكة
أعلن أو أكتم حي

انسيني

انسيني
لو بتحييني
الذكرى عندي
تكفيني
يلي ف لحظة
جرحتيني
ف مشاعري
وموتي حنيني
أوعي ف غضبي
تأسيني
أنسى بقولها
على عيني
مدام مش عارفة
تصونيني
تعباني دايمًا
اشكيلك

أفعالك كلها
بتسيئك
حقيقي ما زلت
حبيبك
افهمي ما تليقني
وما تليقك
ولا عشان
قولت أسيبك
بتهدي معايا
زعابيبك
معلش روحي
لسبيلك

عجایب

عجایب عجایب
 علیکو حبایب
 بتروحو تنسونا
 ولا تفتکرونا
 أول متقابلونا
 أوام تلومونا
 عل ود الی غایب
 عجایب عجایب
 نداري ونتحایل
 ویاما بنحاول
 عل بخت الی مایل
 والدمع الی سایل
 عتابکو مش خایل
 والقرب مش طایل
 قلبي الی دایب
 عجایب عجایب

عل غيبة مش لايم
 ف مجوركو أنا عايم
 لا مرة بنتصارع
 أو حق بنتخاصم
 حي يا ولدأهو
 لسة على ماهو
 شوقه ودواهو
 ف السكة يوم تاهو
 ولا لاقى نايب
 عجايب عجايب

دق يا قلبي

شفته خلاص

سرعت الدق

دق يا قلبي

قوله الحق

حبك ليا

عمل الفرق

جه خطفني

بسرعة برق

وويا الشوق

أنا أنا

إحساس طاغي

يمرق مرق

خلا عزولب

يغلي يطق

قلبي ف حبك

ماقالش لأ

حبك إنت
دون الخلق
شفته لقيته
توب عل أد
فيه حنية
ماهش على حد
طييته حنانه
على طول ييود
يفهم ردي
قبل ماارد
يخاف عليا
من حبة برد
أيامه معايا
صحبة ورد
دوغري وجد
عطفه وحبه
نسافى المر
كل أيامه
بجد تسر

لسة

بتجيب في سيرتي لسة
 فاكرني لحقت أنسا
 رجلك قادرة تخطي
 وبجرحي لسة حاسة
 اخجل ياسيدي حبة
 حتراجع نفسك إيمتي
 ماإنت بعث المحبة
 مش شايفة كسوفك حتى
 ماسك لي ف إيدك وردة
 دي قصة ف حياتي عارضة
 مرت أوقات في شدة
 يادوب فوق النهاردة
 صراحة لازم أقول لك
 إزاي تاني أكون لك
 كرهتك ضعفك كلك
 من أي وعود باحلك

متماسكة برغم ألمي
مسبب ليا ندي
جرحك لساه بيدي
حبك ده هو جرمي

علمني

علمني ونا أتعلم إزاي بعنيا
 أسلم
 ويروح خجلي واتكلم وأقولك ع لي معلم
 يا حبيبي جوة ف قلبي
 علمني أقدر أثبت ليه روجي دارت خبت
 والدقة ف قلبي دقت وعقلي كله اتشتت
 مش قادرة عيني تخبي
 علمني إزاي أعبر بوردة جوري وعنبر
 أدي حنان وكتر شوقك خليه معطر
 ودوس على وتره حيي
 علمني لما أقابلك أتجراً أقول باحبك
 أأضي لحظة جنبك خليني حبة ف حضنك
 أحكيك أنا عن غلبي
 علمني أسهر ليلي ويروح النوم من عيني
 آنسني يلا احكي لي وجوة عنيك خبيني
 خليك تملي في قربي

قلبت ميزان حياتي

قلبت ميزان حياتي
 طبطني فل غرام
 خلاص طلعت آهاتي
 حرام عليك حرام
 طول عمري في حالي
 روجي عايشة ف وئام
 عرفتك إيه جوالي
 كفه طببت تمام
 شوقي بان وحناني
 والناس عرفت أوام
 حبيت قبل أواني
 ألوم عليك واتلام
 وتجنب ف منامي
 أصحا وأنسا الأحلام
 أمشي ألقاك قدامي
 والشوق عمره ماينام

أنسا معاك الأسامي
ويتوه كل الكلام
تتسرب من مسامي
نظرات عينيك سهام
تفتن لك عن غرامي
والنار تصبح ركام
وأقول جالك كلامي
ف البحر باقيت عوام

عودي لنفسك

عودي لنفسك أبلا

قبل ماترجعيلي

دي آخر محاولة

وحامشي لسبيلي

لومات قلبي أولا

أنك تترحميلي

سايقة ف عندك ولا

عايزة توصيلي

رصاصه الحب أتلا

شيلي ذنبه شيلي

بايعة وإنتي مايلة

ونا الله وكيل

سبتي الورد دبله

كان لازم تحاييلي

لو بعدك لعله

مش ح تلقى مثيلي

ناسية وإنني غزلة
توي تطوليلي
جرحي كنتي طائلة
تزيدي وتكويلي

كنت فاكراً

كل دة ونا كنت فاكراً
 إنك بتحبني
 أتايريني فضلت واهم
 في خيال عيشتني
 بس إنت طلعت قادر
 آخرتها خدعتني
 دلوقتي عليك مش لايم
 ماعدت تهمني
 ون كان القلب ثاير
 وهزمته وهزمتني
 في لحظة كان فيها هايم
 حبك وظلمتني
 ورجعت مكسور حاير
 وبأسوة حطمتني
 لكن دلوقتي لازم
 يل إنت تعبتني

أرد جرح غادر
زي ما علمتني
هوإيه ف الدنيا دايم
يلي طعننتني

تملي تقولوا

تملي تقولوا عنه بأنه وأنه وأنه
 أتغاضوا يلا وكنو أنا ماليه إيدي منه
 كلامكو مش هاممي ما حرك شعرة مني
 لف يوم استغنى عني لا باعني أو لا وعني
 عاملين دوشة وغلبة كفاية اتكسفوا حبة
 دنا وکلة معاه وشاربة الكحكة ف إيدنا عجة
 حركاتكو كتير وتعلوا كلام مش حأمنله
 سيبونا وعننا حللوا دة هو حي كله
 وهو الإخلاص كله ما قدر يوم على زعله
 لو وسط البحر أنزله أمشي بلاد وأسافرله
 يطلع ف الحب الأول عمره مف يوم اتحول
 ف نهاره حنان مطول وف ليله الشوق مكمل
 لو غاب حبه يكلمني ويقول الي يطمني
 يصالحني أو خاصمني من حاجة مش حارمني

طب لیه علیہ تتجنوا حاسیبکو أنا بترنوا
 أنا سري هو سره جروا ف خیبتکو جروا
 أنا راسیة أوي علی بره لا یوم زعلنی عمره
 عاجبني بجلوه ومره بس یاریت ماتقروا

مرسالُ الحبِّ

مرسال حي ياشوق
 بتخلي قلبي يروق
 بتطير وتهفف فوق
 وتقول لي صحصح فوق
 لو مرة حبيبي غاب
 أو مني حنيني داب
 بتجيني بدون عتاب
 وتوصي عل أحباب
 بتداوي مل عذاب
 وتوارب حبة الباب
 وتقوم بحنين غلاب
 ترميلي بسرعة الطوق
 خاصمني حبيبي يوم
 ألقاك تحرمي النوم
 تدي حنان بالكوم
 وتقول يا عيب الشوم

قوم بينا نصالحه قوم
ماعاد للبعد لزوم
أنا شايفك أوي مهموم
وحاسس بيك مخنوق

أكلُ وحلة

أكل وحلة وراح ووللا
 ماطل طلة وجابي علة
 حلفت والله لو شفت وشه
 وراه راح أكسر الزير والقلة
 فتحت قلبي وربيع جنبي
 فضل يعبي يغرف في حي
 طلع مخبي بعدين غدربي
 خني وتعبنا خفيف ولعي
 في وسط الشلة حاشوف مقابلة
 خلى الأخلة تمسك له ذلة
 علشان يحرم من دي عملة
 رسم وحلق بكلام مزوق
 وقلبي صدق ولقيتني بغرق
 حرق ومرق وقاللي روق

وراح مسبق حلوی ماحوق
ده دق دقة خاین وإلا
فكرته هوة لكن حایلة
طلع یاعینی بألف ملة

ابعد من سكات

يلا ابعء من سكات
 متقلبش فل لي فات
 ابعء سيبي للآهات
 حبك خد مني راقات
 وعمرى راح وب بلاش
 فرجى كله تاه ماجاش
 ودموعى على مخدرات
 مش عايضة أحكى وأقول
 لو بتعرف فل أصول
 كنت بتمنا تنول
 رضا قلبى والقبول
 وأما أديتك الأمان
 قلبك خدعنى وخان
 ماتت فيه الإحساسات
 مش طايقة أشوفك خلاص
 وكرهتك من الأساس

روح واشرب من نفس الكأس
جرب دوق نفس الإحساس
مش حاسم منك كلام
حارج مل أزمة أوام
راح أكون أكثر ثبات
يلا ابعذ من سكات

حبي أنا

حبي أنا تقدرني تنسيه
 أيامه وب ليايه
 تنسي يوم ماعرفتيه
 تنسي لما هجرتيه
 انسيه ساعة يوم انسيه
 بس ف لحظة افتكره
 عارفة ليه واثق أكيد
 علشان حبي كان فريد
 كان عنيد وكان شديد
 لو تقدرني يلا انسيه
 مهما قولتي أو داريتيه
 وقدرتي حتى تخبيه
 لو حبيتي يلا انسيه
 قلبك اوعي تصدقيه
 لو قال حبي راح تنسيه
 حبي قلبك لسة شاربه
 كلبش فيه كدة لوحديه

سألتني

سألتني
أصيتي شعرك الجميل
وسبغتي
رمشك وشفافيك ألوان
غيرتي
ملامح براءتك بدليل
وحاولتي
تخدعي عينيا كمان
بتبان
ف عينيك أوهام وخيال ظنان
وحاجات
ياما غيرة جواك بتبان
وجالنا
اللقى بعد بعاد وخصام
وعيوننا
اتقابلت مليانة كلام

بالعتاب
 وحنين مين يبدأ بالسلام
 مين مننا
 شاييل للتاني الملام
 وظنيت
 ساعتها أنا بنكر حبنا
 خيالات
 سرحت في حاجات عننا
 وب رعشة إيد
 صوت عالي باتهامات
 تبعتر
 تكسر تتوعد بالآهات
 مافهمتش
 لما عينيك في عيني جات
 كبرت
 أحلام طموحي مع الأيام
 تتحقق
 ونكون مع بعض احنا الاتنين
 ذكريات

طفولة مرسومة عل جبين
 زرعتها
 محفورة جوة نن عينيك
 أصيت شعري
 علشان لما أبصّ إليك
 عيراك
 حاسس بحيني وحي فيك
 غرقت
 الشفايف والرموش ليك
 يوم ماشفتك
 بتبالغ ونا بين إيديك
 حبيبي
 داري ذهول باين ف عينيك
 مهما تغضب
 أنا لسة باقية عليك

وياويلنا

وياويلنا آه ياويل
 مل جرح وسهر الليل
 حظنا ف الدنيا قليل
 وشبعنا من المواويل
 تعبنا ياليل ياعين
 وحشانا أيام زمان
 صحبة حلوة والمكان
 طيبة الناس الجدعان
 محرومين من الأمان
 آه ياغدر السنين
 حيارى ف زمن غريب
 كل شيء بقى عجيب
 حتى الي جنبك قريب
 مين عدو ومين حبيب
 بقوا الناس متلونين
 وسط لمة الأحباب

مین صادق و مین کذاب
فاتحین لح بابنا الباب
وطبع البشر غلاب
واحنا عل هموم صابرين

أتاريه

أتاريه مختفي عنا
 شايف له شوفه تانية
 يانارى عليه لو جالنا
 أديله وش ف تانية
 دل خاين يعرف خاينة
 خسارة فيك حناننا
 مبروك عليك تتهنا
 وسيننا يلا ف حالنا
 قدامي بيعمل طيب
 مفيش حاجة تتعيب
 طول عمره كان قريب
 دلوقتي حاله اتشقلب
 لو أعرف أنا مل أول
 إزاي دلوقت أتحمل
 شفته ألقاه يتجمل
 في ضهري روح يتحول

ف عنيه باين متأنب
أواجهه يعمل مستغرب
يوعد وب يتهرب
خلاص ماعدنا بنعجب
يا قلبي إنت بتتألم
والجرح فيك معلم
داري ولا تتكلم
أدينا أهو بنتعلم

محتويات الديوان

3	الإهداء
4	فى لحظة ندم
5	قراري
7	آه يا سيدي
9	يا عيونْ مخيلتكْ حبيبي
10	لو أنتْ نسيتْ
13	أنتْ اتغيرتْ
15	قالوا كلام
17	الركْءْ عليكْ
19	ودودولكْ
21	دلوقتي نزلت دمة
23	فيكي مغناطيس
25	قلبي نسيكْ
27	غيتوني من حبيبي

28	وعرفتي يا عيني
30	أديكُ أهوه شمتهم
32	آه منك
34	ولحقت تنسا
36	رحت وقولت عدولي
38	أنا حرّة
40	دلوقتي جيّ وبتزورنا
42	مش طبيعي
44	وعدّ مني
46	انتهيتي
47	لسة فاكرة
49	تعالى بقى
52	سرّ الفولة
54	لازم نعترف
56	بدأوا يلسنوا
58	برضه يصحّ

61	إنزلي يادموغ
63	عل حب وسنينه
65	عمري مابزعل
67	انسيني
69	عجايب
71	دق ياقلبي
73	للسة
75	علمني
76	قلبت ميزان حياتي
78	عودي لنفسك
80	كنت فاكز
82	تملي تقولوا
84	مرسال الحب
86	اكل وحلة
88	ابعد من سكات
90	حبي أنا

91	سألتني
94	وياويلنا
96	أتاريه
98	محتويات الكتاب

تم بحمد الله

جميع حقوق النشر الورقي و الإلكتروني محفوظة للناسر

